

Općinsko vijeće

Broj: 01/1_____/19

Datum: _____.____. 2019. godine

Na osnovu člana 24. Statuta Općine Kakanj ("Službene novine Općine Kakanj" broj: 4/08) te člana 58. Odluke o izvršavanju Budžeta Općine Kakanj za 2019. godinu ("Službene novine Općine Kakanj " broj: 5/19), Općinsko vijeće na svojoj _____sjednici održanoj dana _____.____. 2019. godine, usvojilo je

ODLUKU

o izmjeni i dopuni Programa utroška sredstava od koncesionih naknada

I

U Programu utroška sredstava od koncesionih naknada za 2019. godinu, usvojenom na 28. sjednici Općinskog vijeća, održanoj dana 28.03.2019. godine, broj: 01/1-28-94/19, mijenja se stavka pod rednim br.3 Programa na način da se umanjuje vrijednost projekta pa tabela iz člana I Programa glasi kako slijedi:

REDNI BROJ	NAZIV PROJEKTA	VRIJEDNOST (KM)
1.	Vanredno održavanje lokalne ceste Zgošća- Tršće (Sanacija klizišta i odrona na lokalitetu Crnačka stanica. Izmirenje obaveza prema Izvođaču radova i Nadzoru nad izvođenjem radova)	300.000,00
2.	Rekonstrukcija puteva u MZ Pope	70.000,00
3.	Izgradnja dionice ceste D.Kakanj- Kondžilo sa nadzorom- I faza	1.150.000,00
4.	Nabavka građevinskog materijala	25.000,00
5.	Projektovanje i nadzor	15.000,00
6.	Laboratorijsko ispitivanje materijala koji se ugrađuju prilikom izvođenja svih vrsta radova	7.000,00
	UKUPNO:	1.567.000,00

II

U ostalom dijelu Program utroška sredstava od koncesija ostaje nepromijenjen.

III

Ova Odluka stupa na snagu danom donošenja, a naknadno će se objaviti u "Službenim novinama Općine Kakanj"

PRESJEDAVAJUĆI OPĆINSKOG VIJEĆA

Slaven Katičić

OBRAZLOŽENJE

Budžetom općine Kakanj za 2019. godinu za realizaciju Programa utroška sredstava od koncesionih naknada predviđeno je **2.700.000,00 KM** s tim da je za projekat pod rednim brojem 3. „Izgradnja dionice ceste D.Kakanj- Kondžilo sa nadzorom- I faza” planirano **2.283.000,00 KM**.

Ovom izmjenom i dopunom Programa vrijednost ovog projekta se umanjuje na iznos od 1.150.000,00 KM a time i ukupan iznos Programa se umanjuje na iznos od 1.567.000,00 KM.

Obzirom da priliv sredstava u Budžet po osnovu koncesionih naknada nije pratio planiranu dinamiku dogovoreno je da I faza radova na ovom projektu obuhvati samo pripremne i zemljane radove. S tim u vezi potpisan je i Sporazum o saradnji na realizaciji projekta: „Izgradnja dionice ceste Donji Kakanj- Kondžilo“ dana 08.07.2019. godine. Sporazum obuhvaća pripremne i zemljane radove od profila P0-P18 u dužini od 2.917,88 metara.

U skladu sa potpisanim Sporazumom čiji potpisnici su: Općina Kakanj, JP Elektroprivreda BiH d.d. Sarajevo- ZD RMU „Kakanj“ d.o.o. Kakanj, Tvornica cementa „Kakanj“ d.d. Kakanj i „Trgošped“ d.o.o. Kakanj, obaveza „Trgošpeda“ d.o.o. Kakanj je da finansira i izvede I fazu radova na dionici od profila P10- P18 u dužini od 205,38 metara. Dionicu ceste (I fazu radova) od P35 do P110 u dužini od 525 metara finansiraju Tvornica cementa Kakanj i Općina Kakanj na način da TC Kakanj uplati na račun Općine iznos od 250.000,00 KM a da Općina putem Zavoda za planiranje i izgradnju općine Kakanj provede proceduru javne nabavke za ovu dionicu puta. Obaveza RMU Kakanj je finansiranje i izgradnja I faze radova na dionici ceste od P0-P35 tj. dio pristupnog puta do brane i prelaz preko prelivnog kanala na brani.

U skladu sa izmjenama i dopunama projektne dokumentacije u dijelu predračuna radova usklađenog sa aktuelnim cijenama na tržištu učešće Općine za I fazu radova (pripremni i zemljani radovi) uključujući i nadzor nad izvođenjem radova iznosi 1.150.000,00 KM.

Procedura javne nabavke će se ponovo pokrenuti nakon potpisivanja ugovora o koncesiji između RMU Kakanj i nadležnog Ministarstva u Ze-do Kantonu.

OBRAĐIVAČ:

PREDLAGAČ:

Zavod za planiranje i izgradnju općine Kakanj

Općinski načelnik

